

故宮博物院
珍藏

廣東府州縣志

共二十三冊
第九冊



故宮博物院編

海南出版社

故宮珍本叢刊第 174 冊廣東府州縣志第 9 冊(共 23 冊)

故宮博物院編

河源縣志
和平縣志

龍川縣志
永安縣次志

東莞縣志
嘉應州志

第三冊(共三冊)

海南出版社

圖書在版編目(CIP)數據

故宮珍本叢刊.第172~174冊,地理.都會郡縣.廣東,[乾隆]河源縣志、[乾隆]和平縣志、
[乾隆]龍川縣志、[康熙]永安縣次志、[雍正]東莞縣志、[乾隆]嘉應州志/故宮博物院編.-影
印本.-海口:海南出版社,2001.4

ISBN 7-80645-980-4

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06849 號

故宮珍本叢刊第 174 冊

廣東府州縣志第 9 冊(共 23 冊)

[乾隆]河源縣志 [乾隆]和平縣志 [乾隆]龍川縣志
[康熙]永安縣次志 [雍正]東莞縣志 [乾隆]嘉應州志
第三冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:33 印數:1-400 冊

ISBN 7-80645-980-4/Z·61

定價:5000 元(廣東府州縣志 52 種共 23 冊)

本書如有印裝質量方面問題請與我社承印廠聯係
我社為本書每冊(種)書新編的目錄均置於每冊書末

東莞縣志卷十二

忠烈

紀人物而各從其官繫焉為夫能于其官也節其官則可謂王之蓋臣效忠之義著矣臣主之惟一德一心上下交孚有都俞而無吁咈詎非願之至者即其不幸而道不得行言不得入甚或竄斥流離併其身之不見容苟其國尚有人猶及從容挽回易危為安于臣心亦可無負固不必皆攘臂宣力始為殫忠也然則臣節之以忠烈見豈所願哉雖然大夫死緩士死制當奸人猝起強敵在圍存亡之幾爭于呼吸與夫國滅主辱計無復之非毅然作孤注之一擲奮身引決則天經地義或幾乎息而全軀保妻子者將接迹矣此忠烈之紀所為作也

東莞縣志

卷十二 之三 忠烈

一

植廷曉廣人或曰邑人為南漢將見銀暴日甚解去兵柄宋開寶三年太祖遣潘美率師伐漢破李成渥拔韶州銀願諸將無可使始起曉為大將統軍六萬屯馬廛以禦宋師時以宮媼薦其養子郭崇岳為招討使與之同事崇岳無謀唯禱於鬼神而已四年春美克英雄二州進兵馬廛去廣城十里皆于雙女山下廷曉謂崇岳曰北軍乘席捲之勢其鋒不可當吾士旅鮮眾然皆傷疲之餘今不驅

策而前坐受其弊矣乃傾前軍據水而陣令崇岳陣其後既而宋師濟水廷曉力戰不勝死

黃佐通志曰子於通鑑長編得植廷曉不詳其邑里考諸姓氏書曰單曰閉曰植曰洗皆南粵望姓則廷曉必為廣人可知然猶不敢遽收錄焉何則疑以傳疑故也

按泰泉先生雖疑廷曉為廣人然傳中不敢竟止附于序論以見意其于出入之際可謂嚴矣而今則直書之者蓋使人知廷曉所事不正而猶足為四方相引重則節義之繫於人固大也哉

邵廷珩邑之邵村人南漢主劉銀愛將也官至禹餘

東莞縣志

卷十二 之三 忠烈

二

官東面招討使內侍監上柱國宋太祖受禪珩言于銀曰漢承唐亂居此五十餘年幸中國有故干戈不及然兵將不識旗鼓武備一切廢弛夫天下亂久矣亂久而治自然之勢也聞宋君有一天下之志亟宜修兵為備不然悉珍寶奉使通好銀不悟及宋師南伐銀所遣將戰死始思珩言乃命珩率舟師出洗口有諸者言其反銀遣使賜珩死士卒排軍門訴珩無反狀不許因相與立廟祠之嗚呼邵廷珩閩人也此在春秋之義蓋有不宜書者君子以能盡忠其主是故史傳以下均節取焉熊飛瀾花村人有武畧善騎射竹隱先生李用賢

東莞縣志

卷十二

之三 忠烈

三

當宋末以布衣奮起勤王聞丞相文天祥師次江西將往隸焉遇元將黃世雄梁雄飛略地入莞遣其裨將姚文虎招降榴花飛勒兵斬之盡殲其軍世雄等走新會莞令曾逢龍因率兵與飛會趨廣執降元通判李性道數其罪而誅之進復韶廣二州時宋制置使趙潛至以元將呂師夔張榮貴入極嶺遣飛與逢龍禦之逢龍戰死南雄飛退保韶州夔等攻圍急飛晝夜督兵登陴且守且戰爲叛人劉自立賣降城遂陷飛巷戰死所居桐嶺去莞城十里卽榴花村有塔植其傍因名曰榴花塔鄉故飛起兵時與元兵大戰處每陰雨猶聞金鼓之聲

塔下左爲花溪右爲銀塘有巨石飛自刻花溪銀塘四大字亂之復整人以爲神同時許之鑑者城西人集兵赴義榴花之戰鑑功爲多後飛死鑑走從文天祥于汀州力戰五坡嶺被執不屈死又保昌邱必明宋咸淳中進士德祐丙子從飛軍拒元師于梅關致命之日白血飛流無涓滴紅者與文丞相遇害頸中湧白膏直噴數尺事絕相類豈天所以顯其忠歟

鄧國錡縣勞德人性剛尚節概明洪武初舉賢良授饒州府通判不赴十四年辛酉土寇蘇友興嘯聚剽劫鄉邑騷動多被其脅降惟國錡與缺口趙巡

俞李添鳳徑趨靖康諸鄉起民兵二千餘屯守缺口嶺屢決戰不利退保深溪山賊復益兵死戰不支與李添鳳俱被執國錡罵賊死事旣平降民皆充卒伍惟戰死之家獲免侍郎陳璉表其墓曰義士其後百餘年有劉元杰者督步人多督力便馬善射商于杭州值倭寇犯順杰慷慨仗節帥偏師出戰斬獲甚衆倭既遁走而劉指揮乘勝深入被陷重圍杰馳一騎趨赴以援絕戰死杭州人爲祠於北新關之鐘鼓樓祀之嗚呼是皆未嘗任戎輒膺守土之責者特其發于義理之勇不畏疆禦遂能以死衛社稷收名食報其可謂過人遠矣

東莞縣志

卷十二

之三 忠烈

四

黃尙正縣茶山人任江西龍泉縣秀洲巡檢嘉靖辛酉流賊數千突掠縣正率兵迎戰殺數十人奪其馬賊退走零田正追而擊之以援兵不至與僕黃有進俱爲賊所得正給賊釋僕令歸而以貨贖潛與縣書曰職無勇陷賊今誑賊取贖勿以貨來也二十七日賊且遷營請以二十六夜二鼓督兵千人急攻正因從中應賊可盡破也勝而歸天意不幸而死乃職分無憾約不可爽機不可失若求職屍遍體有正字者是迨是夜正乘賊醉亦其渠魁王上等數人縣兵不至遂被害賊亦無所統四散奔潰泉境以寧事聞贈太僕寺丞廕其子承忠入

民建祠祀焉萬歷間有衛九州者字允宅以
吏員歷貴州前衛經歷時安酋蓄異志力陳當道
爲備未幾果叛巡撫以偵探事宜悉畀之親冒矢
石突圍無援戰陷不屈死撫按疏請賜卹贈州同
柯繩武字胤卿南海衛指揮僉事勇略善戰歷遼山
瓊崖諸衛屢著奇功擢嶺南頭中哨遊擊隆慶戊
辰從叅將魏宗翰征海寇會一本翰統戰艦泊雷
州港連環爲陣武與指揮李茂才力陳不可翰剛
愎不聽卒被火攻茂才戰死賊乘勝突向會省時
我兵新敗諸將倉皇畏縮武獨率所部拒之賊衆
我寡奮勇邀擊殲于陣事聞賜晉秩二階

東莞縣志 卷十二 之三 忠烈

五

陳策字純伯城內人中萬歷丙子乙酉二科武舉丙
戌第進士授廣西左衛鎮撫擢恩陽守備以勦珠
池盜李茂功遷廣海遊擊攝廣州海防叅將從總
兵陳璘擊倭朝鮮分備露梁島時我兵以三路敗
倭酋平清正於陸巨酋關白平秀吉者擁衆二十
萬據金山佯求封貢以緩我師而陰濟舟襲露梁
島爲清正夾援策獲謀者乃潛師邀之出其不意
焚倭舟殆盡斬秀吉倭平復從陳璘督粵兵征播
奮勇先登斬級九百顆擒叛酋楊應龍子楊繼棟
降其黨二千餘應龍授首旋奉勦五開皮林諸酋
斬獲甚衆恢復永從縣改四川壘戎遊擊擢威茂

叅將勦鎮雄等番俱有功遷遵義副將鎮撫建
在鎮十六年威信大著嘗攝知州事民彝懷之
都督總川兵援遼

援絕陷陣死事聞詔贈少保左都督諡忠
立祠諭祭葬官其子世襲指揮僉事子兆蘭武
元累功官至前府都督僉事兆秋襲指揮兆夏天
啓丁卯舉人兆熊以從征功世襲千戶策治軍嚴
而有恩賞罰明信與士卒同甘苦故能得其死力

東莞縣志 卷十二 之三 忠烈

六

岔河之役所部死傷略盡無一人棄戈走同邑有
關鎮明者以鎮撫從策援遼亦戰死岔河贈都督
僉事

卷十二 之三 忠烈

七

張恂字士和宏濟之子領萬厯壬子鄉薦授保昌教諭擢湖廣衡州府同知時尚源大盜猖獗恂至檄官兵會勦親擒渠魁王調鼎李朝伯等數人救釋被擄全州蔣舉人妻媳湘潭鄧廣文女及良民以

萬計創建嘉禾新田二縣竭蹶疆圉撫按交薦遷
永州知府地經川寇殘破後恂勞徕撫綏詳請減
派黥餉改食東鹽又爲修備儲練以禦變亂及流
寇再犯即襄不敢窺永陽境步湖廣兵備司使這
忠盡瘁以病歸詔晉太僕寺卿歲丁亥族孫
起兵據邑城恂自領一軍及城破戰敗至錢屋田
北嚮拜曰臣無似今力竭不能爲矣自剄死子景
萬字福孺爲邑諸生從恂官湖南勦寇有功授推
官監連陽軍以復城功擢兵部職方主事監軍湖
南駐藍山時有楚弁擁重鎮以叛迫萬降萬不屈
大書絕命詞于藍山署壁曰累世清白父子忠孝
死而不朽受賀勿弔遂伏劍死

東莞縣志 卷十二 之三 忠烈

八

孝友

孝弟內行夫人之所知而習能也聖人著之于經以爲可順天下何耶天地之性人爲貴因其性之同推而準之自愛其父兄亦遂不敢慢惡于人之父兄凡夫事上敬長莫不皆然苟非汨沒其性孰不歡忻聳動一如其所施還以相奉焉如此則爛睦之治可興親遜之風可成自一家而達之天下國家靡不順應矣莞之先民以孝友傳者落落可數使任以化民成俗豈不旋至立效耶

黃舒事親至孝家貧力業以供修瀨侍膳極恭盛暑未嘗解冠帶親所願指雖千里外往焉曾無難色

東莞縣志

卷十二

又之三孝友

一

父卒皇皇如欲無生躬負土爲墳廬于其側深野無人豺虎左右嗥而舒安之每寒夜號哭聲出林薄隨悲風遠聞人爲泣下却酒肉弗御日進淖糜一孟久之形容枯槁人勸其還哭而弗答居母喪亦如之閭巷皆謂舒生養歿哀今之曾參也有司奏旌其門因名其居曰參里傍有山亦稱曰參里山宋沈懷遠南越志載舒事謂不讓古人云

簡祖英字世英學問該博有才畧事元爲江西都省員外後從左丞何真起兵保鄉邑平邵宗愚其贊畫爲多明廖永忠克廣東乃徵祖英赴關燕之資以纁帛拜建平令以母老請歸養許之時上方以

道德風厲天下凡元降臣始雖榮遇終必損斥名士如危素張以寧輩皆所不免祖英之見卓矣祖英之孝孝以成其忠者也傳所謂貴身存道視此矣易之豫曰介于石不終日貞吉孔子曰君子知微知彰知柔知剛萬夫之望券之祖英其庶矣乎

袁友信字雲蘿

本名友仁避廟諱改

洪武丁丑詔特徵赴闕與

閩人鄭萬年同被命往董七閩經界才幹有聲乞歸養從之永樂庚子下詔徵者舊有司勸駕病卒于京師信少失怙事母孝母病不解衣帶飭身必以禮博通經籍孫東魯孫士鳳俱自有傳後系科

東莞縣志

卷十二

又之三孝友

二

甲不替邑中推衣冠之盛焉

何潛淵字時躍縣北街人敦敏嗜學爲文必根極理要耻尙浮詞其處身行已具有條法歸于篤實自得蚤從廣州陳仲璧講性理仲璧推之明洪熙初縣令李正舉經明行修薦于行省以親老辭歸親疾侍湯藥惟謹居喪毀瘠三年不御酒肉事兄潛珍友愛老而彌篤終身未嘗異財產名其堂曰同心晚歲與邑耆英結詩社于鳳臺咸推爲祭酒年八十五卒

劉存業字可大縣城北人蚤孤事母至孝生而穎悟善屬文自應童子科爲督學張習所奇愛目以

東莞縣志卷十二 又之三孝友

三

劉舉成化鄉薦登宏治庚戌進士一甲第二人對策洋洋灑灑得南豐癡香授翰林編修簡充經筵官癸丑乞歸養時功令非六年不得請孝宗特詔許焉丁巳以母命趨朝戊午復乞歸不許乃上疏言臣父早背祿養弗逮今臣母年踰七稔夕照西飛臣前勉來留妻侍養近聞妻逝菽水誰將臣一念至不覺五內摧裂夫聖恩猶可再酬母命不能復續顧盼闕廷紅日之瞻雖切肝衡嶺表白雲之慕轉深奏上孝宗改容許之乙丑秋武宗御極趣赴闕復充經筵官纂修孝宗實錄丙寅五月卒于官年四十七業通籍十七年在子舍者三之二奉

職六載未晉一階論者謂其位不配德有遺悼焉

生平行誼文章爲長沙李文正公暨鄉人梁文康

湛文簡二公所特重嘗編輯邑志取舍甚嚴于人物藝文之間未嘗一語假借殆比于古之遺直易

簣時命左右爲具沐浴曰吾將入朝其忠愛之誠

死而不忘如此

湛若水曰先生美髯髯襟懷豁達不作坊彫雖素

所未識者一見則與之笑語如平生故其生也人

皆愛之其歿也人皆哀之其爲文執筆立就不事

雕琢而雕琢者不能過謙退如始學之士未嘗以

一第驕人家居前後十餘年足跡不入省會藩臬

行部至邑者非造請先生之廬莫先見焉人有以草洲魚鹽之利獻之者拒弗受娛親之暇則彈碁飲酒吟咏以爲樂歸自山陵鼻端忽有橫黑色曰吾其病乎已而曰吾其死乎君子曰先生於死生之際如此可謂靈矣

尹紹禹字希載邑橫岡人幼失怙事祖母與母皆盡孝舅氏積逋官錢鬻產代償以承母志膺萬歷癸卯歲貢以親老不就選母卒始謁授封川司訓遷翁源教諭率迪有方務以敦學力行爲要平生博聞尤精青烏之術邑建金鰲塔及學宮文昌祠皆其所規畫也年八十五卒子遂祈遂芬皆甲科祈自有傳在州縣

東莞縣志卷十二 又之三孝友

四

鍾雲祥字天兆縣茶園人教諭睿之子爲邑諸生執父喪哀毀骨立及葬結廬墓側朝夕哀慕成病母強之始歸宿必于外不入私室者三年督學章拯旌其門雲祥歎曰子職未盡求稍憐吾心且不可得敢以爲名乎未幾病卒督學魏校遣官致祭立碑表之

劉日新字宗毅孝友性成四歲卽知禮讓父蚤喪事母至孝母年八十病篤額天者七晝夜母聞空中若有奏金石聲病尋愈後母卒廬墓三年御史蔡夢說嘉之左轄饋粟米布帛歲以爲常自是中丞

監司至者必旌焉年九十二卒

陳學銓字全人邑之茶山人三歲時其父始遷居會
省性至孝蚤喪父母每朔望必薰沐展拜或先夜
輒見之夢涕泣而寤事後母尤誠篤後母舉一子
數歲歿銓痛哭幾絕母慰之曰向兒哭而父不過
此奈何痛弟而至是耶銓對曰兒固痛弟尤懼不
能如弟之善事吾母故痛益深母為感動自此亦
不復哭忍傷銓心所交友以性命道義相勗其為
文本于躬行不務浮夸期達意而止舉崇正癸酉
第一人甲戌歸自公車越數月疾卒督學會化龍
臨其喪賻之里人為罷市舉哭所著有毫端閣集

東莞縣志

卷十二 又之三孝友

五

何潛淵陳學銓所稱立言之士非耶而其本行乃
若此亦足以為文焉而勸者之勸矣夫父子兄弟
履常處變真誠所積莫非至德要道不在為難能
也彼二君子者固吾之所樂稱者乎

黎宿其先世本贛州人宋季知雷州獻臣者留居博
羅至宿徙東莞遂家焉敦行禮義鄉人化之嘗封
股以愈親疾宋旌其門曰孝義署其里曰德本
李大震字東伯縣阮涌人事母馮氏孺慕誠篤母病
劇百藥無一效者震計無復之乃剖股肉調進病
即瘳事聞行省諸公皆旌其孝郡教授董應舉請
賓飲者再其詞略曰孝道通于神明惟公僅見者

年杖于鄉國于禮宜優曾緣士論之乎屈致賓筵
之右茲者賓期復屆眾謂明德惟公嘗諸麟鳳人
豈展于諦觀瞻彼羽儀天實懋遺一老尙其好垂
無斯叩須震力辭不獲乃復勉應弟大霖當母病
篤時日夕禱於天請以身代尋卒當事並旌焉霽
子如榴字美石萬歷癸卯鄉舉第一博學能文行
誼甚高事母能盡色養未仕卒至今稱有孝行者
必首李氏一門

陳朝資字敏忠縣水南人居父喪執禮嚴苦朝夕苦

塊未嘗御酒肉母病割股肉為糜療之與弟朝正
友愛尤篤自少至老不知異財產郡縣屢旌其門

東莞縣志

卷十二 又之三孝友

六

以諸生終萬歷末有陳沾澤者邑茶山人亦能剖
股瘳母疾見稱于時

陳良泰字元東邑之赤嶺人幼而通經學古知名宰
序間母病革度無可為者良泰苦謀之醫士不已
或謂曰得人肉可瘳良泰即割股進果愈督學聞
而旌之一時群目為陳孝子

梁孝子名煌哲別號生洲其所為孝率本中庸無有
奇詭絕人之行惟母病剖股稍為人之所難而孝
子以為親之遺體固後于親者也親疾苟瘳夫亦
何所愛焉性之所至身斯至之而已矣孝子嘗患
背癰痛楚垂死謂其弟曰吾行矣人死固如是乎

吾左足大趾初一點寒如米雪漸漸延及五趾直下而上至脛膝右足亦然乃指其臍曰寒至此十氣當絕矣其弟曰古人言死生之際正宜用力孝子閉目須臾乃曰無可用力但念老母在堂情不能割中心如焚不覺火從臍起臍中之熱直驅兩足之寒其母趨至孝子遂力疾起曰兒無恙寒氣退盡兩足仍溫矣已而病如脫燿亦旋愈噫嘻斯乃孝子性之所至也不忍舍其親以死斯不死矣股可割也癰可生也其斯以爲孝子之孝也孝子大母沒水漿不入於口杖乃能行父沒亦如之母沒哀慟過傷里人爲之罷春未期而卒

東莞縣志卷十二 又之三孝友

七

梁惠生縣賊船澳人洪武初兄惠養罹重辟當解京卽刑惠生日兄承宗祀弟可以請代遂從械繫之京就義市曹聞者莫不傷之

袁清吉邑之茶園人有甥黎過其門不爲下馬其兄祥吉見而叱曰而吾出也且母尚在堂何無謂陽情黎啣之會王成構亂黎以前憾諧曰里人無不服將軍者獨惑于袁祥吉不誅無以定衆成然其說執祥吉將就僇清吉急詣成曰願從將軍乞見養母撫幼姪清吉請代死成竟殺之義士爲之淚

前志論曰孝弟庸德也自有致其所當致者

代刑法制所禁皆過也非其正也矣非正而曷爲猶錄乎爾曰君子之於人也樂成其美而不求其備況生死體膚之際尤人之所甚難者乎世降俗薄于骨肉無所不忍於此有率其直性而行之論者哀其原于道德未敢以爲賢知之過略而不書也

東莞縣志卷十二 又之三孝友

八

理學

理學之名所以別于異端示不爲邪說溺也

之異端在理學之外今之異端竄理學之中此所謂道其所道特借理學之名文其二氏之實耳理學至今日久有定論遡源於濂溪得統於河南盛於關中而歸墟於考亭氏諸儒之說至考亭益明猶堯舜禹湯文武周公之道得孔子始傳也昔董生患群言之淆正謂諸不在六藝之科孔子之術者勿使並進愚亦謂言理學家不本於宋五子與考亭遺書異趨者却之然後不爲陽儒陰釋所混淆也莞人承粵學大抵皆本江門增城派系而亦

東莞縣志 卷十二 之四 理學

一

或旁紹姚江雖皆一時名德成就焯焯然視考亭徑術區以別矣其始終見道分明不惑不二毅然辭而闕之獨 盤石劉氏蓋當時之僅見

李用字叔大邑之獮步人少孤事母盡禮雖盛暑未嘗去巾襪德器凝重造次必中矩初業科舉及讀周程諸書卽棄之潛心性命之旨非親申婚祭不一出如是者垂三十年踐履日益純熟從學之士益衆爲時名儒人稱曰竹隱先生李昂英聞其賢就見與語終日未嘗有倦色究明伊洛蘊奧以

魯之傳昂英進其書於朝詔授校書郎用曰著書豈爲干祿計哉不受而歸又遷承務郎以旌之安貧樂道無求於世廣東提刑周梅叟奏於理宗御書竹隱精舍額賜之卒年八十有一咸淳中廣東提刑劉叔子命祠於邑學子三人各通一經能世其業長春叟最知名得朋官法曹松叟以能文稱于世

前志論曰李用其邑講學之始乎以終身篤志力行而不近名干祿稱爲有道之士不虛矣所著書今缺不傳然其大指具可想見語曰言者言其所自得用之言大都其所得者也

東莞縣志 卷十二 之四 理學

二

嘗聞竹隱先生當宋末避地至日本以詩書教授日本人多被其化稱爲夫子比卒以鼓吹一部送喪返里至今莞人送喪必用日本鼓吹皆倭衣倭帽以象之謂之過洋樂豈所稱忠信行于蠻貊者耶

林光字緝熙邑茶山人生而貌清臞資性粹美能刻苦勵學于經史靡不綜貫年十七讀吳文正公論學諸書大感悟建得趣亭日讀書其中領成化乙酉鄉薦己丑會試拜陳獻章于神樂觀語合從歸江門曰吾得師矣獻章亦深期之己而築室龍山往來問學者二十年巡撫朱英勸之仕光

人幼而習之於小學必求所以事上長而進之

大學必求所以治下善學者不汲汲於施爲成敗

利鈍之外而汲汲於吾心權衡尺度之間寧學成

而不用未有不成功而苟用者也尋丁外艱服闋母

強之出甲辰會試中乙榜授平湖教諭以斯道爲

已任勉學者探本窮源反身修行一時士習丕變

上敦風化養廉耻疏言甚懇切上允行之巡按彭

韶廉其賢待以賓師之禮丙午主考福建宏治己

酉主考湖廣辛亥修嘉興縣志壬子復同考順天

凡三校文時服其藻鑑部使者以卓異薦尋遷充

東莞縣志 卷十二 之四 理學

三

以古道正學薦擢國子博士作正學解教胥子解

諸生翕然宗之會孔廟被災上疏言孔子之心必

不安於天子禮樂之祀題額宜曰先師孔子時論

雖之三載乞致仕不允尋轉襄府左長史襄懷王

新薨元化王暫理府事百弊叢積威令不行光附

方整頓由是官僚効職奸宄革心宮闈肅清門禁

嚴密而群小因之側目未幾進中順大夫致仕年

八十一卒嘗言所謂聞道者在自得耳讀盡天下

書說盡天下理無自得入頭處終無與也其中殆

有浩然自樂者子時表以鄉薦仕至鎮南府

之門自律甚嚴造次未嘗踰禮初聘妻李未娶而
替父母欲悔議嘉堅執不可竟娶之始終相敬不
衰人高其義

前志論曰光與湛若水皆江門高弟皆大有得于

江門及若水以名位顯遂自別爲增城之學而光

祇附新會以傳亦其勢然也光之言曰聞道者在

自得此語甚有會心要之亦從真知實踐來否則

不學孔顏之學而徒尋孔顏樂處亦何所得耶

按新會誌載白沙弟子一百六人以邑人伍雲爲

首後有辨之者曰白沙之門見道清徹無如林先

東莞縣志 卷十二 之四 理學

四

學脉白沙嘗語人曰從吾遊而能見此道踐履者

惟緝熙耳甘泉亦云白沙夫子崛起南方溯濂洛

以達于洙泗當是時得其門而入者南川一人南

川者緝熙也弟子傳當首緝熙世以爲篤論

袁暉字藏用邑茶山人十歲喪父時往墓下號泣家

貧無以養母日取給香櫃夜則讀書新會陳白沙

過訪大稱許焉遂從遊于其門其學務力行不事

章句新會令丁積見之嘆曰不意布衣貧簞卓立

如是白沙嘗曰林緝熙稱袁暉決非泛泛者伍光

宇從余遊余甚愛之亦以其不泛泛也光宇死鄉

曲未有如光宇者暉其光宇之儔歟後辭歸家

族黨以孝友處鄉閭以仁讓至今有遺風焉

尹嵩字惟中性孝友篤愛庶弟舉正德丁卯鄉薦歷遊王陽明魏莊渠湛若水之門講求性學授浙江餘杭令遷福建泉州府同知轉襄府長史甚爲王所禮重三疏致仕嘗以祿不及養嗚咽流涕見者爲之感動

前志論曰陽明之學在致良知莊渠之學在葆合冲和甘泉之學在隨處體認天理嵩歷遊焉其兼之耶抑亦於其中有所擇耶今所著書缺有間矣故其本末莫得而詳也

縣志 卷十二 之四 理學

五

景星字叔輝邑寶潭人少習舉業開湛若水講西樵遂受學焉久之相從至都下與陳謨郭肇相策勵終日正襟危坐未嘗少懈如是者數年竟然有得其飭躬砥行毅如也家貧甚雖秋毫不妄取于人往來諸公間耻一言干請晚年養愈冲粹喜怒不形未嘗疾言遽色年七十四卒尙書何維栢志其墓

按先生嘗輯濂溪明道白沙甘泉四公論學精言爲宋明道學四書又註釋甘泉心性圖說一時學者多傳習之以李竹隱林南川與先生爲東莞三理學性至孝父沒欲繪遺容默禱之父見夢畫工一筆而肖其誠感如此

林烈字孔承縣水北人父汝椿甘貧力學性不能容人過以直諒見稱所著大橋集學士黃泰泉雅稱尙焉烈生而凝重孩提不事嬉戲初解章句問

市元縣志 卷十二 之四 理學

六

師林易齋曰正心誠意是自家底事當從何處

手師大奇之嘉靖甲午舉于鄉丁酉北上進道崑

山贊于魏莊渠之門問以作聖要義自是益加克

治言動一準於禮濬暑燕居衣冠必肅與王龍溪

羅念溪往來辨疑析義其學大有得於姚江丁未

署江陰教諭以身爲教擢南大理寺司務遷戶部

員外郎中祇慎率職外轉福建鹽運司同知革常

例祛積蠹嚴關出商至如歸巖政大舉而尤以移

風易俗爲己任毀淫祠以建社學立射圃日與諸

生講習其中申明鄉約使人皆知禮讓撫按其

教條頒之八閩俾以爲法巡按陳公疏於朝曰使

東莞縣志卷十二之四理學

七

天下之治皆如水口唐虞三代之盛可復見矣一

夕夢歸章綬數日而世宗遺詔至遂病卒士民奔

哭者以萬計所遺私橐不滿十金子御史培時爲

諸生往迎喪父老醵金出境數百里致贍培力却

之民以其金建祠於水口

前志論曰烈蓋邑之理學名臣哉當其司運於閩

所職非清要而兢兢以移風易俗爲己任至於禮

讓興行其設施豈不有本末乎若其爲學見於論

大學也則曰道在誠意而已於論中庸也則曰求

之喜怒哀樂未發時氣象所著青山紀聞講說甚

詳要以常明常覺爲統宗此其猷聞姚江之說真

積力久者抑亦於恭簡主靜有會焉一時翕然

師之宜矣

聞林公烈爲戶部郎時督賦江西奉其父大橋公

以行或曰故事使者不隨家公曰吾豈以三公易

一日之養哉已而大橋公卒於行署得視含飯人

始服公純孝焉

劉鴻漸字紹嘉邑之石碣人少穎異日誦數千言

十五見陽明論學提綱語曰此心體也謂之無惡

可矣謂之無善可乎父校大奇之因盡出濂洛關

閩之書使卒業鴻漸所得日厚遂擁臯比講學邑

中一時執經者戶屨常滿其教法謂聖賢爲學所

東莞縣志卷十二之四理學

八

稱主敬行恕大要都從人已事物外面分明處做

起久之心無不在而仁自至性自盡命自立矣先

是嶺表之言理學者海剛峰瑞寧主陸陳白沙獻

章楊復所起元依違朱陸之間

鴻

漸力倡明之與楚人瞿九思反覆論難九思曰東

莞有人焉

於是江漢名流見鴻

漸書者無不折服鴻漸又嘗言姚江之學一傳而

至龍溪直是亂道彼其所謂四無之說一了百當

者言其所言豈吾黨之所謂言乎功夫雖兼動靜

而必從動始知行雖是合一而必自知始良知
有可致而必從窮究事物始其及門陳國是方遂
千阮一道輩相與闢而揚之所作格物要致知辨
傳誦一時萬歷間粵東有識之士不盡墮諸家雲
霧者鴻漸力也生平言笑不苟燕居澤暑必肅衣
終日未嘗一科跣邑令三山李文奎仁和翁汝遇
皆稱為盤石先生年八十七卒著有易說蘭軒詩
文集彙雅省勸錄諸書三子皆知名季子政有父
風政字起喬性剛方寡言笑常偃居一室經旬始
一出戶在里巷六十年多有不識其面者遂於
易所持論在京王程邵間晚遭
鼎革棄諸生以吟咏自娛尋卒

何鎬鎮字基周縣油稼里人少孤與弟氓鎮砥身力

東莞縣志 卷十二 之四 理學 九

學寒暑晝夜不輟弟歿撫姪如己子家徒四壁食
館穀以養母其學專以主靜為務潛心性命大有
得于江門宗旨嘗兀坐終日無惰容又嘗山行墜
車了無怖色語人曰此心甚難把着非功力既至
鮮不為所動數年來今稍寧帖雖應酬煩錯覺有
寂然不動者存邑令李模雅推重之年四十卒

儒行

今之章逢而遊命為儒者何多也試叩以儒之自
立何如規為何如其剛毅寬裕尊讓與其特立獨
行何如仕而交友暨舉賢援能也又何如乎恐然
然不得其解也是則知儒服而不知儒行正記所
謂眾人之命儒也妄宜其相詬病矣莞于海濱號
為鄒魯鄉其發篋陳書篤志問學以先王之法服
法言相砥礪而不汲汲聲利者往往而有求之於
儒行所云悉數之不能終其物者或庶幾焉歐陽
子之論唐書也曰舉天下一之於仁義莫若儒儒
得其人乃能光明厥功為宰輔大臣至耑誦習傳
授無他大事業者則次為儒學篇因倣其意為紀
次之如左

東莞縣志 卷十二 又之四 儒行

王知邑海南柵人元祐間舉八行科遊太學十五年
舉進士以親老求歸卜築寧軒別墅隱居樂道濟
陰學士昭玘為記其行略不仕而卒廣人士以八
行著者惟知與南海霍暉二人時謂不愧科名云
所居之里至今人稱為王八行鄉八行謂孝弟睦
姻任恤忠和北宋時有此科目

陳謨宋政和五年莫儔榜三甲進士官縣令翟傑
宋高宗紹興五年江洋榜三甲進士官化州司
戶陳慥宋孝宗隆興元年特奏官司法皆不詳鄉

里其事實靡得而考淳熙間邑尉郭延世建思賢堂於學宮以祀三人自爲之記後並亡其篇崇賢祠之作因廢而勿舉按邑人祁順思賢堂詩曰卓犖三夫子才名重一鄉其推贊備至順故非苟於作者今附識左方爲補此段闕略使後之人有聞焉

梁文奎邑板石人博學強記爲文尙理實開禧元年廷對擬首選時韓侂冑當國以策語切直抑置乙科第一性不喜干人授朝散郎監左藏十餘年不調處之裕如旋乞休歸構迎翠樓講學其中四方多就質焉

東莞縣志 卷十二 又之四 儒行

二

錢益淳祐元年進士性剛介不可干以私執喪三年廬居不入內寢既禫同舍赴省試或勸之行曰屆期則免喪矣益曰親喪當外除未除而求舉是不欲爲親服也雖跬步能行乎既又三年而後赴中第歷廉州鹽官在職五年所入羨金悉以補綱運經畫局事不擾而辦調靖江府僉判會已未幹復之變府城閉官吏多遁去益徑謁靖江帥李曾伯曰吾儕食君祿可先去爲民望乎曾伯甚義之薦改贛州與國令時尙寇掠邑境連年爲暴益至卽請兵躬督勦盡夸其醜類邑賴以安尤殫心民事所至皆有惠愛人稱之曰錢佛子

東莞縣志 卷十二 又之四 儒行

三

李春叟字子先少穎悟邑宰許巨川見而異之勉其尋師遂謁陸鵬升授春秋寶祐丙辰省試中選以誤寫謹對黜已未試入選厄于數又不錄廷臣交薦授惠州司戶有賢能聲景定間廣東提刑楊允恭奏薦之除肇慶府司理嘗辨冤獄當路不從卽投告身于庫請歸事竟白郡守劉叔子嘆服尋遷德慶教授秩滿歸無意於仕上書直指郭開條陳銀場之害鹽局之弊爲疏奏減罷嘗著論語傳說補先志所未逮皆蒼萃考亭之精要一洗先儒蹊駁家居以經學訓生徒嶺海以南士多出其門朝廷聞其名復除軍器大監不就賜號海外處士時宋末造羣雄蜂起四出爲剽掠以叟故不忍犯莞境人蒙其賜熊飛勤王潰歸駐兵于邑士民多逃竄飛揭榜約以三日各還其家否則勒兵戮之叟哭諫乃止至元丁丑張宏範呂師夔克廣州哨騎將及莞叟與張元吉扁舟往謁軍門以死爭得止帥命叟宰邑力辭不就以元吉宰之邑人德叟不忘繪像竹隱祠父子同祀年八十卒諸子多才藝曰同文者嘗著易說爲邑令橡謝邦信論曰李用蓋聞濂洛之風而興起者春叟克承先志修補缺略父子名動人主爲世儒宗盛矣哉

李字克敬洪武丙午鄉薦讀書太學時已學宮